



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՈՍՏԻԿԱՆՈՒԹՅԱՆ ՊԵՏԻ
ՆՐԱՄԱՆ**

Թիվ _____ 3 - L

ՊԵՏԱԿԱՆ (ՊԵՏԱԿԱՆ ՄԱՐՄԻՆ, ՊԵՏԱԿԱՆ ԿԱՌԱՎԱՐՉԱԿԱՆ ՀԻՄՆԱՐԿ, ՊԵՏԱԿԱՆ ՀԻՄՆԱՐԿ ԿԱՄ ՈՐԵՎԷ ԱՅԼ ԿԱՐԳԱՎԻՃԱԿ ՈՒՆԵՑՈՂ ՊԵՏԱԿԱՆ ԿԱԶՄԱԿԵՐՊՈՒԹՅՈՒՆ) ԿԱՄ ՀԱՄԱՅՆՔԱՅԻՆ (ՀԱՄԱՅՆՔԱՅԻՆ ԿԱՌԱՎԱՐՉԱԿԱՆ ՀԻՄՆԱՐԿ ԿԱՄ ՈՐԵՎԷ ԱՅԼ ԿԱՐԳԱՎԻՃԱԿ ՈՒՆԵՑՈՂ ՀԱՄԱՅՆՔԱՅԻՆ ԿԱԶՄԱԿԵՐՊՈՒԹՅՈՒՆ) ԿԱԶՄԱԿԵՐՊՈՒԹՅԱՆՆ ԱՄՐԱՅՎԱԾ (ՊԱՏԿԱՆՈՂ) ՏՐԱՆՍՊՈՐՏԱՅԻՆ ՄԻՋՈՑԸ ՇԱՀԱԳՈՐԾՄԱՆ ՀԱՆՁՆԵԼԻՍ ՏՎՅԱԼ ՏՐԱՆՍՊՈՐՏԱՅԻՆ ՄԻՋՈՑԸ ՇԱՀԱԳՈՐԾՈՂ ԱՆՁԻ ՏՎՅԱԼՆԵՐՆ ԷԼԵԿՏՐՈՆԱՅԻՆ ԵՂԱՆԱԿՈՎ ՎԱՐՉԱԿԱՆ ՄԱՐՄՆԻՆ ՏՐԱՄԱԴԻԵԼՈՒ ԿԱՐԳԸ ՀԱՍՏԱՏԵԼՈՒ ՄԱՍԻՆ

«Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» օրենքի 6-րդ հոդվածի 4-րդ մասի և Հայաստանի Հանրապետության վարչապետի 11 հունիսի 2018 թվականի N 751-L որոշման 20-րդ կետի 8-րդ ենթակետի համաձայն՝

Հ Ր Ա Մ Ա Յ ՈՒ Մ ԵՄ՝

1. Հաստատել պետական (պետական մարմին, պետական կառավարչական հիմնարկ, պետական հիմնարկ կամ որևէ այլ կարգավիճակ ունեցող պետական կազմակերպություն) կամ համայնքային (համայնքային կառավարչական հիմնարկ կամ որևէ այլ կարգավիճակ ունեցող համայնքային կազմակերպություն) կազմակերպությանն ամրացված (պատկանող) տրանսպորտային միջոցը շահագործման հանձնելիս տվյալ տրանսպորտային միջոցը շահագործող անձի տվյալներն էլեկտրոնային եղանակով վարչական մարմնին տրամադրելու կարգը՝ համաձայն N 1 հավելվածի:

2. Սույն հրամանն ուժի մեջ է մտնում հրապարակմանը հաջորդող օրվանից:

**Ժամանակավոր պաշտոնակատար,
ոստիկանության գնդապետ**

Ս. Արզումանյան

« 17 » 01 2020թ.
Ա. Սարգսյան
ք. Երևան

Կ Ա Ր Գ

ՊԵՏԱԿԱՆ (ՊԵՏԱԿԱՆ ՄԱՐՄԻՆ, ՊԵՏԱԿԱՆ ԿԱՌԱՎԱՐՉԱԿԱՆ ՀԻՄՆԱՐԿ, ՊԵՏԱԿԱՆ ՀԻՄՆԱՐԿ ԿԱՄ ՈՐԵՎԷ ԱՅԼ ԿԱՐԳԱՎԻՃԱԿ ՈՒՆԵՑՈՂ ՊԵՏԱԿԱՆ ԿԱԶՄԱԿԵՐՊՈՒԹՅՈՒՆ) ԿԱՄ ՀԱՄԱՅՆՔԱՅԻՆ (ՀԱՄԱՅՆՔԱՅԻՆ ԿԱՌԱՎԱՐՉԱԿԱՆ ՀԻՄՆԱՐԿ ԿԱՄ ՈՐԵՎԷ ԱՅԼ ԿԱՐԳԱՎԻՃԱԿ ՈՒՆԵՑՈՂ ՀԱՄԱՅՆՔԱՅԻՆ ԿԱԶՄԱԿԵՐՊՈՒԹՅՈՒՆ) ԿԱԶՄԱԿԵՐՊՈՒԹՅԱՆ ԱՄՐԱՑՎԱԾ (ՊԱՏԿԱՆՈՂ) ՏՐԱՆՍՊՈՐՏԱՅԻՆ ՄԻՋՈՑԸ ՇԱՀԱԳՈՐԾՄԱՆ ՀԱՆՁՆԵԼԻՍ ՏՎՅԱԼ ՏՐԱՆՍՊՈՐՏԱՅԻՆ ՄԻՋՈՑԸ ՇԱՀԱԳՈՐԾՈՂ ԱՆՁԻ ՏՎՅԱԼՆԵՐՆ ԷԼԵԿՏՐՈՆԱՅԻՆ ԵՂԱՆԱԿՈՎ ՎԱՐՉԱԿԱՆ ՄԱՐՄՆԻՆ ՏՐԱՄԱԴԻԵԼՈՒ

1. Սույն կարգով կարգավորվում են պետական (պետական մարմին, պետական կառավարչական հիմնարկ, պետական հիմնարկ կամ որևէ այլ կարգավիճակ ունեցող պետական կազմակերպություն) կամ համայնքային (համայնքային կառավարչական հիմնարկ կամ որևէ այլ կարգավիճակ ունեցող համայնքային կազմակերպություն) կազմակերպությանն (այսուհետ՝ Կազմակերպություն) ամրացված (պատկանող) տրանսպորտային միջոցը շահագործման հանձնելիս վարչական մարմնին՝ Հայաստանի Հանրապետության ոստիկանությանը, էլեկտրոնային եղանակով տրանսպորտային միջոցը շահագործող անձի տվյալները տրամադրելու (հասանելի դարձնելու) հետ կապված հարաբերությունները:

2. Կազմակերպությանն ամրացված (պատկանող) տրանսպորտային միջոցը շահագործող անձի տվյալներն էլեկտրոնային եղանակով վարչական մարմնին են տրամադրվում www.roadpolice.am ինտերնետային կայքի միջոցով:

3. Համապատասխան կազմակերպության (մարմնի) գլխավոր քարտուղարը կամ աշխատակազմի ղեկավարը, նրանց բացակայության դեպքում՝ կազմակերպության (մարմնի) ղեկավարը www.roadpolice.am ինտերնետային կայք մուտք գործելու և համակարգի օգտատեր դառնալու համար նախապես գրավոր դիմում է ճանապարհային ոստիկանություն և ստանում անհատական մուտքի օգտանուն և գաղտնաբառ (տրամադրված գաղտնաբառն օգտատիրոջ կողմից կարող է փոխվել):

4. Կազմակերպության (մարմնի) գլխավոր քարտուղարի կամ աշխատակազմի ղեկավարի, նրանց բացակայության դեպքում՝ կազմակերպության (մարմնի) ղեկավարի փոփոխության դեպքում դիմում է ներկայացվում ճանապարհային ոստիկանություն՝ նոր օգտանուն և գաղտնաբառ ստանալու նպատակով:

5. Օգտատերը, մուտք գործելով www.roadpolice.am ինտերնետային կայք, ընտրում է «Իրավաբանական անձանց մուտք» դաշտը և սեղմում «Մուտք» կոճակը:

6. Ընտրելով «Պետական և տեղական ինքնակառավարման մարմին, դիվանագիտական մարմին» դաշտը՝ մուտքագրում է անհատական մուտքի օգտանունը և գաղտնաբառը, որից հետո սեղմում է «Մուտք» կոճակը:

7. Ընտրելով «Շահագործում» կոճակը՝ նշում է Կազմակերպությանն ամրացված տրանսպորտային միջոցը և գրանցում հիմնական կամ ժամանակավոր շահագործող անձ:

8. Շահագործող անձի տվյալները լրացվում են համապատասխան դաշտերում պահանջվող տվյալները մուտքագրելու միջոցով՝ հետևելով կայքի հրահանգներին:

9. Գրանցված տվյալները հաստատվում են կազմակերպության (մարմնի) գլխավոր քարտուղարի կամ աշխատակազմի ղեկավարի, նրանց բացակայության դեպքում՝ կազմակերպության (մարմնի) ղեկավարի էլեկտրոնային ստորագրությամբ: